



REPUBLIKA E KOSOVËS / REPUBLIKA KOSOVA

---

**K.Dh.Shk II.nr.432/24**

**GJYKATA KOMERCIALE E KOSOVËS**, Dhoma e shkallës së dytë, me gjyqtarin Faton Bajrami, në çështjen përmbartimore të kreditorit NTG “Blendi” shpk, me seli ne Prishtine, me nr. te biznesit 80077076, kundër debitorit Komuna e Prishtinës, me bazë juridike përmbartimore, duke vendosur lidhur me ankesën e kreditorit, të ushtruar kundër aktvendimit të Gjykatës Komerciale, Dhomat e Shkallës së Parë, Departamenti për Çështje Ekonomike, KPPP.nr.791/23 të datës 12.12.2023, me datë 04.06.2024, mori këtë:

**A K T V E N D I M**

**REFUZOHET** si e pathemeltë ankesa e të autorizuarit të kreditorit NTG “Blendi” shpk, me seli ne Prishtine, ndërsa aktvendimi i Gjykatës Komerciale, Dhomat e Shkallës së Parë, Departamenti për Çështje Ekonomike, KPPP.nr.791/23 të datës 12.12.2023, **VËRTETOHET**.

**A r s y e t i m**

Gjykata Komerciale, Dhomat e Shkallës së Parë, Departamenti për Çështje Ekonomike, me aktvendimin e atakuar KPPP.nr.791/23 të datës 12.12.2023 në dispozitivin e aktvendimit e ka pranuar prapësimin e debitorit Komuna e Prishtinës, ndërsa ka anuluar urdhrin përmbartimor P.nr.211/22, i datës 12.05.2022, i lejuar nga Përmbartuesi Privat Ilir Mulhaxha me seli të zyrës në Pejë.

Kundër këtij aktvendimi në afatin ligjor ka ushtruar ankesë i autorizuari i kreditorit, (*me pretendime sikur në ankesë*), me propozim, të aprovoj ankesën si të bazuar dhe të ndryshohet aktvendimi i Gjykatës Komerciale, Dhomat e Shkallës së Parë, Departamenti për Çështje Ekonomike, KPPP.nr.791/23 të datës 12.12.2023, apo të anulohet dhe lënda të kthehet në rivendosje.

Ankesa e të autorizuarit të kreditorit i është dorëzuar debitorit për përgjigje, dhe i njëjti nuk ka parashtruar përgjigje në ankesë.

Gjyqtari individual i Gjykatës Komerciale i shqyrtoi shkresat e lëndës, aktvendimin e atakuar dhe pretendimet ankimore, në kuptim të nenit 3, paragrafi 2, të Ligjit nr.04/L-139 për Procedurën Përmbartimore si dhe në kuptim të nenit 194 dhe 208 të LPK-së, gjeti se:

- **Ankesa e kreditorit është e pathemeltë.**

Nga shkresat e lëndës rrjedh se kreditori NTG “Blendi” shpk, me seli ne Prishtine, me datën 12.05.2022, ka paraqitur propozimin për përmbartim në bazë në bazë të dokumentit te besueshëm - Faturës me nr: 187-210-001-21 te datës 29.01.2021 ka lejuar përmbartimin me Urdhrin Përmbartimor P.nr.211/22, të datës 12.05.2022, me të cilin është urdhëruar të gjitha bankat që

operojnë në Republikën e Kosovës që ti sjellin transaksionet bankare për kreditorin ashtu që të bllokohen të gjitha llogaritë bankare të gjitha bankave dhe shuma e kërkuar së bashku me shpenzimet e përmbarimit dhe shuma e përcaktuar të barten nga llogaria e debitorit, duke llogaritur edhe kamatën ligjore prej ditës së dorëzimit të propozimit deri në pagesën definitive, shpenzimet procedurale të gjitha këto në afat prej 7 ditësh nga dita e pranimit të këtij urdhri nën kërcënimin e pasojave ligjore.

Përmbaruesi Privat Ilir Mulhaxha me seli në Prishtinë duke vepruar sipas propozimit për përmbarim të kreditorit me urdhrin përmbarimor P.nr.211/22 dt.12.05.2022 e ka lejuar përmbarimin e propozuar nga kreditori, ndërsa debitori brenda afatit ligjor ka ushtruar prapësim ndaj Urdhrit Përmbarimor Debitori, ka kundërshtuar urdhrin përmbarimor me arsyetim se fatura e pretenduar si dokument përmbarimorë nuk i plotësin kushtet e përcaktuara në kuptim të nenit 29 par.1.3 të LPP-se, e njëjta asnjëherë nuk është pranuar nga ana e debitorit, e as që është nënshkruar debitori në këtë faturë.

Ka kërkuar të miratohet prapësimi i debitorit dhe urdhri përmbarimor të anulohet dhe refuzohet propozimi për përmbarim si dhe të obligohet kreditori që debitorit ti paguaj shpenzimet për përpilimin e prapësimit dhe të gjitha shpenzimet tjera, nën kërcënim të përmbarimit të dhunshëm.

Kreditori, në përgjigjen në prapësim ka kundërshtuar pretendimet e debitorit si të pabaza dhe ka theksuar se të njëjtat kanë për qëllim prolongimin e përmbarimit së obligimeve që rrjedhin nga puna juridike e vlefshme. Nga gjykata kërkoi ta refuzoj si të pabazuar prapësimin e debitorit dhe të mbetet në fuqi urdhri përmbarimor.

Gjykata Komerciale, Dhoma e Shkallës së Parë, Departamenti për Çështje Ekonomike, duke vendosur lidhur me prapësimin e debitorit dhe përgjigjen në prapësim të kreditorit, ka nxjerrë aktvendimin e atakuar KPPP.nr.1791/23 të datës 12.12.2023 me të cilin e ka pranuar prapësimin e debitorit Komuna e Prishtinës, ndërsa ka anuluar urdhrin përmbarimor P.nr.211/23, i datës 12.05.2022, i lejuar nga Përmbaruesi Privat Ilir Mulhaxha me seli në Prishtinë, kurse në pikën e dytë të dispozitivit, ka vendosur që të detyrohet kreditori të i paguaj debitorit të gjitha shpenzimet e procedurës përmbarimore.

Në arsyetim të aktvendimit të atakuar gjykata ka theksuar se dokumenti - fatura nr: 187-210-001-21 të datës 29.01.2021 në bazë të cilës është lejuar propozimi për përmbarim nuk i plotëson kushtet ligjore për të qenë dokument i besueshëm, për faktin se fatura në rastin konkret është lëshuar në mënyrë të njëanshme nga ana e kreditorit dhe nuk është pranuar nga debitori, përkatësisht e njëjta nuk përmban nënshkrimin apo vulën e pranuesit - debitorit dhe nuk ka dëshmi se e njëjta të jetë pranuar nga debitori.

Nisur nga kjo gjendje e çështjes, Gjykata Komerciale – Dhoma e shkallës së dytë, vlerëson se gjykata e shkallës së parë i ka zbatuar drejtë dispozitat e Ligjit të Procedurës Përmbarimore kur e ka aprovuar prapësimin e debitorit, ngase edhe sipas vlerësimit të kësaj gjykate me shikimin në shkresat e lëndës qartë konstatohet se përmbarimi është lejuar në bazë të faturës së lëshuar nga kreditori, e cila faturë nuk përmban elementet që kërkohen me nenin 29 paragrafi 3 i cili përcakton se “*Dokumenti i besueshëm është i përshtatshëm për përmbarim po që se në të është treguar kreditori dhe debitori, si dhe objekti, lloji, shuma dhe koha e përmbarimit se detyrimit monetar*”.

Gjykata e shkalles se dytë, vlerëson se gjykata e shkallës së parë në bazë të provave të cilat i ka pasur në dispozicion në shkresat e lëndës, ka dhënë aktvendim në pajtim me dispozitat ligjore, prandaj përfundimin juridik të gjykatës së shkallës së parë, lidhur me këtë çështje e pranon edhe gjykata e shkallës e dytë, me çka mbi bazën e këtyre rrethanave dhe fakteve kësaj gjykatë i rezultoi se aktvendimi i ankimuar i nxjerrë nga gjykata e shkallës së parë është i drejtë dhe i bazuar.

Gjykata e shkalles e dytë bazuar në Udhëzimin administrativ Nr.15/2010 PËR ZBATIMIN E LIGJIT NR. 03/L-222 MBI ADMINISTRATËN TATIMORE DHE PROCEDURAT, i cili në nenin 20 par.1 nenpar.1.17 parasheh që *“Në minimum, një faturë duhet të jetë e nënshkruar nga shitësi, nëse klienti apo blerësi është dispozicion për të nënshkruar, ai person duhet po ashtu të nënshkruajë faturën tatimore”*, konsideron se fatura nr. .287, e datës 31/12/2018, si dokument në sajë të cilës kreditori kërkon përmbushjen e detyrimit nga debitori, nuk ka prova se është pranuar nga debitori, njëjta nuk është e vulosur e as nënshkruar nga debitori, andaj, në këtë mënyrë fatura nuk mund konsiderohet si dokument i besueshëm.

Gjykata vlerësoi pretendimet e kreditorit lidhur me ekzistimin e kontratës në mes të palëve dhe se çmimi është precizuar gjatë realizimit të kontratës, mirëpo vlerësoi se kontrata nuk është nënshkruar nga debitori ndërsa edhe po të ishte nënshkruar në këtë fazë në procedurën përmbartimore bëhet realizimi direkt i mbrojtjes juridike të konstatuar në dokumentin përmbartimor i cili përmban aktin juridik me të cilin vërtetohet ekzistimi i kërkesës dhe se nga ky dokument rrjedh e drejta e organit përmbartues që sipas propozimit të kreditorit të caktoj dhe zbatoj përmbartimin.

Kompetenca e Dhomës së Shkalles së Dytë për të vendosur nga ana e gjyqtarit individual bazohet në dispozitën e nenit 3 paragrafi 2 të LPP-së, me të cilën është paraparë se në shkallën e dytë vendimet i nxjerr gjyqtari individual.

Nga të gjitha arsyet e paraqitura e në pajtim me dispozitat e nenit 208 dhe 209 paragrafi 1 pika (b) të LPK lidhur me nenin 17 të LPP, u vendos si në dispozitiv të këtij aktvendimi.

**GJYKATA KOMERCIALE E KOSOVËS**  
**Dhoma e shkallës së dytë**  
**K.Dh.Shk II.nr.432/24, me datë 04.06.2024**

**Gjyqtari**  
**Faton Bajrami**